



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

G. fratri militiae templi familiari nostro & nobili viro Lug. & M. de Potentia
Magistris Camerariis Apuliae & terrae Laboris & ducatus Amalphis.

urn:nbn:de:hbz:466:1-20006

gligentia sua circa debitam Ecclesiæ suæ providentiam &c. ut in illa que mittitur Metensi Archidiacono in regesto quarti anni Domini Innocentij usque in finem. Nulli ergo &c. nostra concessionis &c. Datum Laterani XIV. Kal. Aprilis.

Illustri Regi Anglorum.

Epist. 19.
Invitatur Rex
ad opera pietatis.

Boët. lib. 3. de
conf. philol.

IN medio duorum hostium positus miser homo, dum caro adversus ipsum & adversus carnem spiritus concupiscit, dum corpus quod corrumpitur aggravat animam, vix potest in carne carnis fortes exuere & cum corruptibili non corrumpi, cum saepe Dalila prævaleat in Samsonem, & capiatur in amplexu virginis etiam unicoris. Sanè nulla pestis efficacior ad nocendum quam inimici hominis domestici ejus, quibus tanto minus resistitur quanto difficultius evitantur. Quis autem pugnam hujusmodi levem putet, quis eam valeat evitare, cum Apostolus etiam de se dicat, *Video aliam legem in membris meis repugnantem legi mentis mee & captivantem me in lege peccati, que est in membris meis*, nisi qui ejus exemplo castigaverit corpus suum & in servitute in redegerit, ut caro spiritui & rationi serviat sensualitas? Non enim in hoc conflitu finis est æquanimiter expectandus, aut tamquam tutius medium eligendum, ut vel neutri faveatur omnino, vel utrique pariter faveatur, sed juvandus est spiritus, & caro contraria subjuganda. Verum dum caro spiritum vel spiritus carnem culpat, immo, ut rectius dicamus, impognat, nemo vivit absque peccato, quoniam si dixerimus quia peccatum non habemus, ipsi nos seducimus, & veritas in nobis non est. Et quia non tantum lusisse in culpa est, sed non incidere quoque ludum, ad lamentum est penitentiae recurrentum, ut fortes criminum confitentes abluantur lacrymis, & pulvis cogitationum penitentis suspirioris exsuffletur, siatque majus gaudium angelis Dei super uno peccatore penitentiam agente quam super nonaginta novem justis qui noscuntur penitentia non egere, gaudemus & tui propositi puritatem in Domino commendamus quod, sicut venerabilis frater noster Cantuariensis Archiepiscopus nobis intimare curavit, serenitas regia qua prædiximus diligenter attendens, ei peccata sua, qua ab ætate ineunte commisit, humiliter est confessa, & juxta consilium ejus Deo satisfacere re-promisit. Idem autem Archiepiscopus saluti tuae cupiens providere, inter alia tibi

diligenter consuluit ac prudenter injunxit ut centum milites dirigas in subsidium terræ sanctæ in obsequio crucifixi per annum integrum moratueros, & monasterium instituas in quo conventus fratrum Cisterciensis ordinis statuatur. Monemus igitur serenitatem regiam & exhortamur in Domino quatenus posteriorum oblitus, ad anteriora jugiter te extendas, nec retrorsum respicias, sed de cetero vaces operibus pietatis, & sic satisfacias de commissis ut caveas cautiùs committenda. Speramus enim quod si te in operibus exercueris pietatis, & feceris quæ sunt placita coram Deo, prosperabitur regnum tuum, & honor regius temporaliter etiam recipiet incrementum. Nos autem de misericordia Dei omnipotentis & beatorum Apostolorum Petri & Pauli auctoritate confisi, ut satisfactionis effectus tibi ab Archiepiscopo eodem injunctus, & sponte à tua deo-tione suscepimus, in remissionem tibi proficiat peccatorum &c. Datum Laterani V I. Kal. Aprilis.

G. fratri militia templi familiari nostra & nobili viro Lug. & M. de Potentia Magistris Camerariis Apulie & terra Laboris & datus Amalphia.

AD nostram noveritis audientiam per venisse quod W. de Plear. exhausto thesauro regio, ne quid remaneret intactum, terras, possessiones, tenimenta demanij & montitij, molendina, & furnos, & macella, & alios redditus quibus voluit pro sua voluntate concessit, & concessionem suam sigillo regio, quod ipse tenuerat, confirmavit. Præterea cum à quibusdam Ecclesiis, civibus, & mercatoribus pecuniam mutuo recipisset, & extorsisset ab aliis violenter, tandem ut laeos utrinque placaret, bajulations concessit eidem, & in dispendium Regis retorsit quod in suum & suorum commodum attentarat. Cum igitur tantum Regis dispendium nec debeamus nec velimus æquanimiter sustinere, discretioni velstræ per apostolica scripta mandamus quatenus & ea quæ ipse concessit, nonobstante appellatione vel contradictione cuiuscunque, ad Regis dominium revoceris, & eos quibus bajulations commisisti, eisdem bajulationibus curetis auctoritate apostolica spoliare, nisi forsan vobis perlitteras nostras ostendant quod eis fuerint per apostolicam fedem confirmatae. Datum Laterani X. Kal. Maij.

Epist. 20.
Irritatur que
à VV. de Pleat
acta sunt.